

SA STORIA DE COLLINAS – FORRU

Forru, custu fudi su nòmini de Collinas finzas a su 1863, in su perìodu mediuevali fadiat parti de sa curatoria de sa Marmilla, e durante sa dominatzioni spagnola, apparteniat a sa Contea de IS CARROZ, chi in su 1603 diventada Marchesau e propietadi de is CENTELLES, e poi de is OSORIO finzas a su 1839.

Su filosofu forresu, Giovanni Battista Tuveri, in su 1863, fudi sindigu de Forru, e iat fattu cambiai, cun d'unu decretu de su Rei, su nòmini in Collinas. Però medas ancora ddi nanta Forru.

Sa bidda de Collinas est situada in sa Marmilla posta in fundu de una vallada circondada de cùccurus meda fètilis. Confinada cun is biddas de Sàrdara, Biddanovaforru, Gonnostramatza , Lunamatrona, Siddi e Mòguru.

In su 2005, est intrada a fai parti de sa Provìntzia de su Campidanu de Mesu.

Sa bidda de Collinas est caratteristica po is domus costruidas cun pedra de is cavas localis, totu traballada de muradoris specializaus de sa bidd'e totu.

Is visitadoris chi bènint a Collinas no pòdinti fai de mancu de ammirai su campanili de su 1600, sa Cresia Parrochiali de santu Micheli Arcangelu; Cresia chi est stetia cumenzada in su 1500, cun stili goticu e rinascimentali.

Un'atra carateristica de sa bidda de Collinas funt is numerosas funtanis abastanza beni tentas.

Collinas contat oi circa 930 abitantis, est a 249 mt asuba de su livellu de mari e tènidi unu territoriu de 20,79 Km².